



**Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 89. Regulæ de electione futuri Pontificis.

---

[urn:nbn:de:hbz:466:1-66426](https://nbn-resolving.de/urn:nbn:de:hbz:466:1-66426)

**Sæcul. XV.**  
A.C. 1439.

§. XXXIX.

*Regulæ de electione futuri Pontificis.*

*Æn. Sylv.* Refert ille, in quadam Congregatione  
*de gest. conc.* præprimis inter Basileenses conclu-  
*lib. 2. in* sum esse, ex corpore Concilii tringa  
*fascic.* duos assumendos, qui unacum Cardinale  
Arelatensi conclave ingressi, novum Pa-  
pam eligerent: Guilielmum tamen Ar-  
chidiaconum Metensem aliam proposi-  
se viam, quæ ceteris quoque arrivisset,  
cum primam eligendi normam graviori-  
bus obstaculis obnoxiam sentirent. Hu-  
jus ergo opinio esset, tres ex Synodo  
viros designandos, quibus novi Pontificis  
electio tuto committi posset; horum au-  
tem sententiæ omnino accedendum a re-  
liquis; feligendos esse pro Triumvirorum  
istorum officio, Thomam Abbatem de  
Dunduno in Scotia, ex Ordine Cistercien-  
sium, Joannem de Segovia, & Thomam  
de Curcellis Canonicum Ambianensem,  
omnes Theologiæ Doctores, quibus libe-  
ram etiam concedi facultatem petebat  
alios viginti novem nominandi, qui una-  
cum illis ad Pontificis electionem con-  
currerent, ita tamen, ut omnium ho-  
rum designatorum notitia nemini pate-  
ret, sed nonnisi pridie ad ingressum Con-  
clavis manifesta fieret.

Igitur

Igitur tribus istis, ut supra diximus, Sæcul. XV. nominatis plena data est potestas, eum, A.C. 1439, quem ceteris digniorem judicassent, in Papam eligendi, simulque alios juxta præstitutum numerum secum assumendi electores, qui eandem cum ipsis potestatem, atque auctoritatem haberent. His ita dispositis, in quadam Congregatione Generali hac super re habita receptum est a prædictis tribus juramentum, quo se se adstringebant, ut nonnisi dignos nominarent. Interea cum hæc tractarentur, percrebuit fama, Basileam cessante lue reviviscere, ibidemque serio agi de Pontifice quantocius eligendo. Rei novitas Viros numero ac dignitate præclaros ex diversis Regnorum finibus, multosque Prælatos Basileam accivit,

### §. XC.

#### Sessio XXXVII. Basileensis Synodi.

Tres ergo illi sic nominati, quos *Aeneas Sylvius Triumviro* Labbe Conc. to. 13. p. 623. appellat, die vi- gesima octava Mensis Octobris in Asce- & 24. terio FF. Minorum convenerunt, Sessio nem trigesimam septimam celebraturi. In ea omnia impedimenta hucusque op posita, vel imposterum opponenda, quæ futuræ electioni adversari possent, nulla ac irrita declarabantur, decretumque, ut

L 1 5      secun-